

চন্দনকাঠের বোতাম

যেমন উপত্যকা থেকে ফিরে এসেছি বহুবার, পাহাড়ের চূড়ায় ওঠা হয়নি
যেমন হাত অঞ্জলিবদ্ধ করেছি বহুবার কখনো প্রার্থনা জানাইনি
যেমন নারীর কাছে মৃত্যুকে সমর্পণ করেছিলাম
মৃত্যুর কাছে নারীকে
যেমন বুকের কাছে জন্মদের মতন গিয়েছি কুঠার হাতে
উপকথার কারুরেকে করেছি উপহাস
যেমন মানুষের কাছে আমিও মানুষ সেজে থাকতে চেয়েছিলাম
কৃতজ্ঞতার বদলে ফিরিয়ে নিয়েছি মুখ

যেমনশ্বপের মধ্যে নিজের শৈশব দেখেও চিনতে পারিনি
লোকের মধ্যে শিশুকে আদর করেছি লৌকিকতাবশত
ডাকবাংলোর বন্ধ দরজার সামনে চাবির বদলে হাতুড়ি চেয়েছিলাম
যেমন বামরে-পড়া অন্ধকারের মধ্য থেকে সর্বাঙ্গে ভূসো কালি মেখে
এসেছিলাম আলোর কাছে

যেমন কুকুরের দাঁতে বার বার ছুঁয়েছি স্তন ও গুঁঠসমূহ
যেমন জ্যোৎস্নার মধ্যে গন্ধরাজ ফুলগাছের পাশে দেখেছিলাম

এক বোবা কালী প্রেত

যেমন বৃদ্ধপূর্ণিমার রাত্রে গলা মুচড়ে মেরেছিলাম ধবল হাঁস
কান্না লুকোবার জ্ঞান নদীতে স্নান করতে গিয়েছি
যেমন অন্ধ মেয়েটির কণ্ঠস্বর শুনে মনে হয়েছিল

আমার পূর্বজন্মের চেন।

অত্যন্ত মমতায় আমি তাকে উপহার দিয়েছিলাম রূপো-বঁাধানো আয়না
যেমন ফিরে আসবো বলেও ফিরে যাইনি বেশার কাছে
সমুদ্রের কাছেও আর যাইনি

ফিরে যাইনি ধলভূমগড়ের লালধুলোর রাস্তায়
দণ্ডকারণ্যে নির্বাসিতা ধাইমা'র কাছেও যাওয়া হয়নি
যেমন ঠিকানা হারিয়ে বহু চিঠির উত্তর লেখা হয় না

তবু জেগে থাকে অভিমান

যেমন মায়ের কাছেও গোপন করেছি শরীরের অনেক অস্থখ
যেমন মনে মনে গ্রহণ করা অনেক শপথ কেউ শুনতে পায়নি
বলেই মনে চলিনি

যেমন কাঁটা বেঁধার পর রক্ত দর্শনে স্থবাস্তুর আবহমান

দৃশ্য থেকে ফিরে আসে চোখ ;

তেমনই এই চৌতিরিশ বছরে এক ট্রেনের জানলায় মুখ রেখে

আমার চকিতে দিগ্ভ্রম হয়

বৃক্ষসারি ছুটে যায় আমার আপাত গতির বিপরীত দিকে
পুকুরে স্নানের দৃশ্য মুহূর্তের সত্য থেকে পরমুহূর্তের অলৌকিক

আমার বুক টনটন করে ওঠে অথচ নির্দিষ্ট শোক নেই
সাস্বনার কথা মনে আসে না
আয়ুর সীমানা কেউ জানে না, তাই মনে হয় অনেক কিছু হারিয়েছি
কিন্তু মুহূর্তের সত্যেরই মতন, সেই মুহূর্তে শুধু মনে পড়ে
কৈশোরে হারিয়েছিলাম অতি প্রিয় একটা চন্দনকাঠের বোতাম
এখনও নাকে আসে তার মৃদু স্মরণ
শুধু সেই বোতামটা হারানোর দুঃখে
আমার ঠোঁটে কাতর ক্ষীণ হাসি লেগে থাকে ॥